

Odluka Izmjenama i dopunama strukture rashoda Regulatorne agencije za komunikacije za 2002 godinu

Koristeći seovlaštenjima koja su data visokom predstavniku članom V Aneksa 10. (Sporazum o implementaciji civilnog dijela Mirovnog ugovora) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji za tumačenje navedenog Sporazuma o implementaciji civilnog dijela Mirovnog ugovora; i posebno uzevši u obzir član II. 1. (d) istog Sporazuma prema kojem Visoki predstavnik "pruža pomoć, kada to ocijeni neophodnim, u iznalaženju rješenja za sve probleme koji se pojave u vezi sa implementacijom civilnog dijela";

Pozivajućise na stav XI. 2. Zaključaka sa konferencije Vijeća za implementaciju mira koje se sastalo u Bonu 9. i 10. decembra 1997. godine, u kojem je Vijeće pozdravilo namjeru Visokog predstavnika da iskoristi svoj konačni autoritet u zemlji za tumačenje Sporazuma o implementaciji civilnog dijela Mirovnog ugovora da bi pomogao u iznalaženju rješenja za probleme, kako je prethodno rečeno, "donošenjem obavezujućih odluka, kada to bude smatrao neophodnim," u vezi sa određenim pitanjima, uključujući (u skladu sa podstavom (c) ovog stava) i "druge mjere u svrhu osiguranja implementacije Mirovnog sporazuma na čitavoj teritoriji Bosne i Hercegovine i njenih entiteta";

Pozivajući sena činjenicu da je 2. marta 2001. godine Visoki predstavnik donio Odluku (" Službeni glasnik Bosne i Hercegovine " 8/01, " Službene novine Federacije Bosne i Hercegovine 11/01, Službeni glasnik Republike Srpske 12/01) kojom se objedinjavaju nadležnosti Nezavisne komisije za

medije i Regulatorne agencije za telekomunikacije a osniva Regulatorna agencija za komunikacije;

Imajući na umu da je Regulatorna agencija za komunikacije institucija koja sama sebe finansira i prikuplja prihode za svoje funkcionisanje po osnovu naknada za izdavanje dozvola za rad koje se naplaćuju od operatora telekomunikacija i emitera radio i televizijskih programa, te čiji budžet odobrava, a potom i usvaja Vijeće ministara;

Konstatirajući daje budžet Regulatorne agencije za komunikacije za 2002. godinu, usvojen na Parlamentarnoj skupštini Bosne i Hercegovine 31. maja 2002. godine (Službeni glasnik Bosne i Hercegovine 14/02), jednak budžetu usvojenom 2001. godine; međutim, taj budžet iz 2001. godine ograničen je na devet (9) mjeseci funkcionisanja počevši sa aprilom 2001. godine; tako je budžet Regulatorne agencije za komunikacije za 2002. godinu smanjen za dvadeset pet posto (25%) u poređenju sa 2001. godinom;

Nadalje konstatirajući da Vijeće ministara nakon nekoliko pokušaja nije uspjelo da usvoji *Odluku o promjeni strukture rashoda Regulatorne agencije za komunikacije za 2002. godinu* koju je predložilo Ministarstvo za trezor institucija Bosne i Hercegovine, a kojom se ispravlja smanjenje budžeta Regulatorne agencije za komunikacije preraspodjelom budžetskih stavki održavanjem ukupnog iznosa budžeta Regulatorne agencije za komunikacije u granicama usvojenim na Parlamentarnoj skupštini Bosne i Hercegovine;

Imajući na umu činjenicu da je kao rezultat gore navedenog Regulatorna agencija za komunikacije ostala bez sredstava za efikasno funkcionisanje od 1 novembra 2002 godine;

Podsjećajući da su funkcije Regulatorne agencije za komunikacije od temeljnog značaja za dalji privredni razvoj i sektora telekomunikacija i sektora emitovanja;

Nadalje podsjećajući da je u nadležnosti Regulatorne agencije

za komunikacije da vrši praćenje i upravljenje frekventnim spektrom Bosne i Hercegovine, što je od izuzetne važnosti za adekvatno funkcionisanje radio-navigacijskih i ostalih bezbjednosnih službi, što je od posebnog značaja za zaštitu bezbjednosti i zdravlja građana Bosne i Hercegovine;

Uzimajući u obzir i imajući na umu sve gore navedeno, ovim donosim sljedeću odluku:

ODLUKA

Izmjenama i dopunama strukture rashoda Regulatorne agencije za komunikacije za 2002 godinu

Izmijenjena struktura rashoda Regulatorne agencije za komunikacije za 2002 godinu nalazi se u prilogu ove Odluke, predstavlja njen sastavni dio i stupa na snagu retroaktivno u skladu sa tačkom III same Odluke na način koji je naveden i jednako kao da ju je u roku i odgovarajućem obliku u skladu sa svim potrebnim procedurama usvojilo Vijeće ministara Bosne i Hercegovine.

Ova Odluka stupa na snagu odmah, a Izmjene i dopune strukture rashoda Regulatorne agencije za komunikacije za 2002. godinu primjenjuju se retroaktivno na način prethodno naveden. Odluka se bez odlaganja objavljuje u Službenom glasniku Bosne i Hercegovine, Službenim novinama Federacije Bosne i Hercegovine te Službenom glasniku Republike Srpske i Brčko Distrikta Bosne i Hercegovine.

Sarajevo, 2. decembra 2002 godine

*Paddy Ashdown, potpis.
Visoki predstavnik*

Izmjene i dopune strukture rashoda Regulatorne agencije za komunikacije za 2002 godinu

I

U 2002 godini rashodi budžetskog korisnika – Regulatorne agencije za komunikacije prestrukturiraju se kako slijedi:

Br..	Vrsta rashoda	Ekonomski kod	Budžet za 2002 godinu*	Sredstva potrebna u budžetu za 2002 godinu	Razlika (4-5)
1	2	3	4	5	6
1	Plate zaposlenih	6111-6120	2.250.000,00	2.784.092,00	534.092,00
2	Naknade troškova zaposlenih	6112	130.000,00	347.150,00	217.150,00
3	Izdaci za materijal i usluge	6130-6137	950.000,00	328.438,00	-621.562,00
4	Izdaci za osiguranje i bankarske usluge	6138	50.000,00	16.620,00	-33.380,00
5	Ugovorene usluge	6139	120.000,00	23.700,00	-96.300,00
6	Kapitalni izdaci	6880	–	–	–
	UKUPNO		3.500.000,00	3.500.000,00	–

* Budžet za 2002. godinu koji je usvojilo Vijeće ministara i Parlamentarna skupština Bosne i Hercegovine koji je identičan devet (9) mjesečnom budžetu Regulatorne agencije za komunikacije za 2001. godinu.

II

Ministarstvo za trezor institucija Bosne i Hercegovine i Materijalno finansijska služba Regulatorne agencije za komunikacije provode izmjene i dopune strukture rashoda iz

tačke I.

Od Ministarstva za trezor institucija Bosne i Hercegovine se zahtijeva da ove promjene unese u informativni sistem finansijskog poslovanja čim ova Odluka stupi na snagu.

III

Izmjene i dopune strukture rashoda opisane u tački I primjenjuju se retroaktivno i stupaju na snagu 1 novembra 2002 godine.